



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Nostram etiam crucem ijsdem dimensionibus constare debere.

[urn:nbn:de:hbz:466:1-47123](#)

riemur. Ibi fortè inveniemus & latitudinem, & longitudinem, & altitudinem & profundum. Hū enim Apostoli verbis, crux quadammodo nobis ante oculos constituta est.

§. 2.

Nostram etiam crux ipsis dimensionibus constare debere.

Ex his autem primum est definire, quibus itidem dimensionibus crux nostra constare, aut quemadmodum componi & constitui debeat. Nam tametsi, ut monet Salvator, unicuique nostrum crux sua ferenda est; sua, inquam, velut unicuique propria, & in alijs, aliisq; diversa: id tamen duntaxat de ipsa crucis tanquam materia accipiendum; quasi cruces nostræ, sive inter se, sive cum Christi cruce comparatae, non eodem omnes, sed diverso ligni genere constent; dum alter moerore animi, alter corporis morbis affligitur, hujus honor & existimatio, istius fortunæ atteruntur; quem in sensum scitè pieq; dictabat S. Franciscus Salesius nolle se sibi crucis suæ ligna diligere, sed quacunque Deus, & quacunque ex materia, crux imponeret, promptè tollere, constanterq; perficere.

At si formam ipsam dimensionesq; spectemus, omnis sanctæ crux nostra, quoctunque tandem è ligno constet, ipsi cruci Christi configurari & conformari debet: ut nempe eodem spiritu, quo crucem suam Christus tulit, nostram ferentes, ipsam quodammodo Christi crucem omnes feramus, eidemq; cum illo cruci figuram, fieriq; in nobis, quod de se ajebat Apostolus: *Christo confixus sum cruci: quod e- quidem ille non ita diceret, nisi in ipsa Salvatoris cruce se simul cum illo suffixum esse sentire.*

Quibus igitur mensuris, seu virtutum perfectarum officijs, constitutæ spiritualis crux Christi, ijsdem & nostra instruenda & coagmentanda est. Ut nimis quidquid acerbita-

bitatis in vita nobis obvenerit, id cum profunda humilitate, cum sublimi spe, cum lata charitate, cum longa denique perseverantia sufferamus; adamantes nimurum, nobisque quodammodo desponentes, ex Redemptoris imitatione, crucem perpetuam; qualem nos infra describemus, & variis Sanctorum autoritate astruemus.

Audiamus hic rursus S. Augustinum, ea que sparsim de his dimensionibus dixit, in unum recolligentem, & qualiter ex Christi magisterio, eadem in usus quoque nostros adhibenda sint, innuentem. Ita enim scribit in quadam epistola: *Latitudo est in operibus bonis, quibus benevolentia porrigitur, usq; ad diligendos inimicos: & longitudo, ut longanimitate pro hac latitudine molestiae tolerentur: & altitudo, ut pro his aeternum, quod in supernis est primum, nonnunquam aliquid ans temporale speretur: & profundum, unde gratitudo gratia DEI, secundum secretum & abditum voluntatis ejus existit.* Hoc totum agitur, cum in hac nostra peregrinatione, fides per dilectionem operatur. Ad extremum autem ita concludit: *Inelligentes igitur peregrinationem nostram in hac vita, mundo crucifigamur, extendentes manus in latitudinem bonorum operum, & longanimitate usque in finem perferventes, atque habentes cor sursum, ubi Christus est in dextera DEI sedens, totumq; hoc non nobis, sed illius misericordie trahentes, cuius profundajudicia omnem scrutatorem fatigant.* Hac Augustinus.

CAPUT XIV.

In quo ostenditur, etiam homines perfertos, grandes ac multiplices cruces perferre.

¶ I.